



Inatsisartunut ilaasortamut  
Siverth K. Heilmann  
Atassut

01-12-2022  
Sags nr. 2022-24513  
Suliap normua. 21835337

Postboks 260  
3900 Nuuk  
Oqarasuaat. (+299) 34 50 00  
Nassitsigasuaat (+299) 34 66 66  
E-mail: iian@nanoq.gl  
www.naalakkersuisut.gl

## **Meeraqqat inorlutik inuusimasut pillugit §37-imut apeqquteqaaternut nr. 215-2022-imut akissuteqaat**

Asasara Siverth K. Heilmann.

Apeqqutinut qujanaq. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

### **1. Meeqqamut inorluni inuusimasumut angajoqqaajulluni ernereermermi sulinggiffeqarneq sivitsorneqarsinnaava?**

Naartuneq, ernineq meeravissiartaarneq Inatsisartut inatsisaat nr. 5 19. novembarip 2020-meersoq malillugu meeraq inorluni inunngorsimasoq uninngasimaguni uninnganermi sivoqataaneq sulinggiffeqarneq sivitsorsinnaava. Assersuutigalugu meeraq qaammat ataaseq uninngasimaguni, taava anaanap sulinggiffeqarnini qaammammik ataatsimik ilassavaa.

### **2. Meeqqat inorlutik inunngorsimasut immikkullu pisariaqartitsisut meeqqerivinni støtpeðagogimik neqeroorfigineqarsinnaappat?**

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq malillugu meeraq inorluni inuusimaguni immikkullu meeqqat allat assigalugit pisariaqartitsiguni taava tapersersorteqarsinnaavoq. Ilaatigut meeqqerivimmi støtpeðagog-imiusinnaavoq.

### **3. Meeqqat inorlutik inunngorsimasut immikkullu pisariaqartitsisut atuarfimmi ilinniartitsisumik tapersersortimik neqeroorfigineqarsinnaappat?**

Meeqqat, Inuusuttut Ilaqutariillu Naalakkersuisoqarfia akissutissanik Ilinniagaqarnermut, Kultureqarnermut, Timersornermut Ilageeqarnermullu Naalakkersuisoqarfianut paasiniaasimavoq. Ilinniagaqarnermut, Kultureqarnermut, Timersornermut Ilageeqarnermullu paasissutissiivoq:



"Meeqqat atuafianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq, § 3. Immikkut atuartitsisarnermut aamma allamik immikkut ittumik perorsaanikkut ikiorsiisarnermut ilaapput:

Immikkut atuartitsisarnerup aqqissuunneqarnera allatullu immikkut ittumik perorsaanikkut ikiorsiineq, taamatuttaaq ilinniartitseriaatsinik, suleriaatsinik periutsinillu atuartup pisariaqartitaanik toqqaaneq, pisinnaasaanik ilikkarniarnikkullu piginnaasaqarfigeriigaanik aallaaveqassapput, aqqissuussinerlu atuartumut pitsaanerpaqqullugu tamanna pissaaq atuartoq sapinngisaq tamaat annerpaamik peqataatillugu atuartullu kissaatai eqqarsaatigalugit, tak. § 4 nalunaarummi. Piumasaqaatit MISI/PPR-imillu nalilersorneqassapput."

**a) Imaluunniit ilinniartitsisumit immikkut atuartitsinermut ilinniarsimasumit meeqqap immikkut pisariaqartitsisumut neqeroornissamut periarfissaqarpa?**

Immikkut atuartitsineq ilinniartitsisunit immikkut atuartitsinermut ilinniarsimasunit allatulluunniit piginnaasanik pisarialinnik peqartunit ingerlanneqartassaaq imaluunniit Perorsaat allallu naleqquttumik ilinniagaqarsimasut atuartut angerlarsimaffiini tak. § 5.

Immikkut atuartitsineq aamma allamik immikkut ittumik perorsaanikkut ikiorsiisarneq atuartitsissutini ataasiakkaani, atuarnerup ilaani imaluunniit atuarnemi tamarmiusumi pisinnaavoq, tak. § 6.

**4. Naalakkersuisut meeqqat inorlutik inunngorsimasunut atugassarititaannut pitsanngorsaanissaminnut pilersaaruteqarpat?**

Naalakkersuisut ilaqtariinnut atugassarititaasut pitsanngorsarnissaat ukkatariuaannarpaat, uani aamma ilaqtariit inunnguajaarsimasunik meerallit.

Inussiarnersumik inuulluaqqusillunga

Mimi Karlsen